

〔職原抄上〕神祇官

大副略中大中臣齋部下部三姓之人任之也略中

祐略註以前三姓及中臣氏等任之中臣者本大中臣一種也中臣清麻呂任右大臣之時初加大字

然其庶子有不給大之族彼等苗裔猶稱中臣也

〔續日本紀五元明〕和銅五年十二月一〇二月乙酉從三位阿倍朝臣宿奈麻呂言從五位上引田朝臣邇閉

正七位上引田朝臣東人從七位上引田朝臣船人從七位下久努朝臣御田次少初位下長田朝臣大

麻呂无位長田朝臣多祁留等六人實是阿倍氏正宗與宿奈麻呂無異但緣居處更成別氏於理斟酌

良可哀矜今宿奈麻呂特蒙天恩已歸本姓然此人等未霑聖澤冀望各正別氏俱蒙本姓詔許之

〔續日本紀七元正〕養老元年八月庚午正三位安倍朝臣宿奈麻呂言正七位上池田臣萬呂本系同族實

非異姓追尋親道理須改正請賜安倍池田朝臣姓許之

〔續日本紀十聖武〕神龜四年十二月丁丑正三位縣犬養橘宿禰三千代言縣犬養連五百依安麻呂小山

守大麻呂等是一祖子孫骨肉孔親請共沐天恩同給宿禰姓詔許之

〔續日本紀三十七桓武〕延曆元年五月癸卯少內記正八位上土師宿禰安人等言臣等遠祖野見宿禰造作

物象以代殉人垂裕後昆生民賴之而其後子孫動預凶儀尋念祖業意不在茲是以土師宿禰古人等

前年因居地名改姓菅原當時安人任在遠國不及預例望請土師之字改爲秋篠詔許之於是安人兄

弟男女六人賜姓秋篠

〔續日本紀三十八桓武〕延曆四年八月癸亥朔右京人士師宿禰淡海其姊諸主等改本姓賜秋篠宿禰

〔續日本紀四十桓武〕延曆九年十二月壬辰朔詔曰略中宜朕外祖父高野朝臣乙祖母土師宿禰真並

追贈正一位其改土師氏爲大枝朝臣略中亦宜菅原真仲土師菅麻呂等同爲大枝朝臣矣

〔續日本紀四十桓武〕延曆九年十二月辛酉勅外從五位下菅原宿禰道長秋篠宿禰安人等並賜姓朝臣又